



BELIEVERS EASTERN CHUCH

Office of the Metropolitan, Synod Secretariat, St, Thomas Community, Triruvalla, Kerala India.

NIRIKGIPANI CHITI

March/April 2024

Patianiko aganan baksana, Pagipa Degipa aro Gisik Rongtakgipani bimingo pilak Archbishop aro Bishoprangna, Kamalrangna aro Deacon Father-rangna, Aganprakgiparangna, an-tangtangko on-kange dangdike on-enggipa noabirangna, aro dingtang dingtang ia A-gilsakni bako dongenggipa Believers Eastern Church-ni kakketgipa bebera-giparang sakantinan salamko on-a, Salam.

Angni Kristoo ka-sarang,

Kristo chakatpil-aha ; beben Ua chakatpil-aha,

An-ching mondolirang ong-e, an-ching Kalimani manianiko aro uni chakatpil-aona kingkingan an-ching maniaha, anga bebera-a an-ching sakantian ia manianiko dakanio aiao inmanpilgipa Kristo baksa dal-rorona gita cha-tote ui-manaha. Uni gimin gisik pil-ani gisik baksa kusi ong-an baksa Uni chakatpil-ani kattarangko aganprakaniara an-chingni janggi tanganio dakna nanggni ong-a!

Ka-sapae ia a-gilsako an-ching ong-engon gisik ra-bo, an-ching Kriso gita chacha ong-na gita jahaso re-enggipa gita ong-a. Ia rongtale janggi tanganiko an-ching mondolio man-a aro iako dakanirangchin an-chingni janggi tanganio mondolini on-gimin ponjikao pilak rongtalgia chengoni dakrikrikbaenggipa bewalrangko dakna nanggnirangko gisik ra-atan baksa didianiko man-a.

An-ching nokdangrangko chongipa gilja ine minga, maina an-chingni bebera-anikon an-ching noko dake re-baenggipa chasongrangna skie donangrikrika. Indiba maikai an-ching ia tanggipa bebera-aniko an-chingni dedrangrangna su-drangna aro noksulrangna donangrikrikgen? Iako maikai na-simang dakna gita nanga anga na-simangna aganna; Adita salrangna skang an-chingni mondoli kingsa chongipa ki-tapko oprake on-angaha. Uan nokdango bi-ani Liturgy ong-a. Uano an-ching maikai bi-na nanga aro maiko kam baksa an-chingni nokdango bi-na nanga aganman-aha, Uano an-ching maikai bi-ani Ganchiko dakna gita skie on-aniko man-aha. Uako bangbata ku-sikranganon pe-skae on-aha, aro ua ki-taprangko na-siamng nokdang ge-antinan na-simangni pamong man-e on-na dakchakgen. Indake mondolini me-sokgimin dake on-ani gita bi-ode, Isol mangmang nang-ni bi-aniko aganchakaijawa, indiba Isolni nang-ni nokdangna aro noksulrangnaba patianiko on-gen.


Minggipin bilagipa bebera-aniko re-baenggipa chasongrangona gipinrangona donangroroani chol gang, ian bi-sarangna skie on-ani sal ong-a (Kids day camp) uko an-ching a-silsak gimikon manianiko daka. Anga bebera-a na-simang sakantian iako maikai dakna gita nanga skie on-ani diocese-oniko man-soaha. Anga na-simang sakantikon ia gualna man-gijagipa kusiniko skie ra-aniko bi-sarangna mondolitangtango dakchina gita didianiko on-a. Na-simang sakgipin bi-sarangkoba okamna gita man-gen, jedakode uamang ia skie ra-anio uamangni chonmitingon namako skie ra-na gita man-gen.

Chadamberangan an-chingni a-song aro mondoliko mikkangchi re-dilangnakgipa onga. Chadamberangko name bebera-ano dalrorogipa aro Isolni ramao re-atna gita uamangko name dilna gita nanga. Indake uamangko skie on-nichisa uamang mondolio name bebera-e janggi tanggipa ong-gen aro an-tangtangni janggi tanganiko Isolni rongtalgipa mondlio kamko ka-na gita on-kanggipa ong-gen. Aro uamangni gimin anga mingsa nama kattako knasoe billongen kusi ong-enga! Believers Eastern church chadamberangni dolrang October jani 9-13 tariko tombimonganiko skotong synod-o ong-na gita sienga. Indake a-gilsak gimikni dingtang dingtang bakoni re-bae bakko ra-na gita sienga aro ua tom-bimonganio uamangni janggi tanganiko gital dakaniko man-an baksa katcha ka-srokaniko man-gen. Uni gimin ka-sapae sakantian ua tombimonganina bijringbo aro je chadamberang ua tombimonganio bakko ra-nasiengachim uamang sakantian Isolo bi-bo.

Ka-sara angni bebera-giparang, anga na-simangni mondolio kim-kim ong-e donganina aro na-simangni an-chingni Gitel Kristo gita ong-na ka-oksianina anga ra-song chaa. Angni dalbatgipa na-simanganiko nikna sikaniara an-chingni ka-sagrikaniko sakgipinrangna ui-atna sikani ong-a.

Isol saksanon sakgittamgipa † Uni ka-sachakanichi an-ching sakantian dilangchina,

Kristoo na-simangni pagipa

A handwritten signature in black ink on a light-colored background. The signature is written in a cursive style and appears to read "Athanasius Yohan 1 Metropolitan".

Athanasius Yohan 1 Metropolitan

Tarik : 22 April 2024

Biap : Rongtalgipa Synod